



聖安白皇帝

本紀二卷



聖安皇帝本紀上

顧炎武撰

卷之五

聖安皇帝神宗顯皇帝第二子福恭王之長子諱由崧母曰□氏初封德昌王進封世子崇禎十四年正月李自成陷河南府恭王薨世子出走懷慶十六年七月嗣封福王十七年三月京師失守四月己巳烈皇帝凶問至南京其時南京參贊機務兵部尙書史可法督師勤王在浦口南京諸大臣聞變倉卒議立君未有所屬而王與潞王以避賊

聖安皇帝本紀上

至淮上大臣意多在潞王總督鳳陽兵部右侍郎兼都察院□□都御史馬士英遣書南京言福王神宗之孫序當立甲申守備南京魏國公徐弘基提督操江誠意伯劉孔昭等南京戶部尙書高弘圖工部尙書程註都察院右都御史張慎言掌翰林院事詹事府詹事兼侍讀學士姜曰廣等南京守備掌南司禮監務太監韓贊周等集朝內兵部右侍郎呂大器署禮兵二部印不肯下筆吏科給事中李沾厲聲言今日有異議者死之時士英握

兵于外與大將靖南伯黃得功總兵官劉澤清劉  
良佐高傑等相結諸大將連兵駐江北勢甚張大  
臣畏之不敢違于是以福王告廟乙酉弘基等迎  
王于江浦丙戌王舟次燕子磯丁亥百官迎見于  
龍江關王素衣角帶哭五月戊子朔王乘馬自三  
山門外至孝陵從臣請自東門御路入王遜避自  
西門入至饗殿□□畢次謁懿文太子陵自朝陽  
門入東華門步行謁奉先殿出西華門駐蹕于內  
守備府己丑羣臣勸進王辭讓遵景帝故事以福

聖皇帝本紀上

二

王監國是日□□墨勒根入北京庚寅王行告天禮  
升殿百官行四拜禮魏國公徐弘基跪進監國之  
寶王受訖再行四拜禮乃退大赦天下其新加練  
餉及十二年以後一切雜派並各項錢糧十四年  
以前實欠在民者悉免之以張慎言爲吏部尙書  
壬辰以史可法爲東閣大學士兼兵部尙書高弘  
圖爲東閣大學士兼禮部尙書並入閣辦事馬士  
英爲東閣大學士兼兵部尙書都察院右都御史  
仍總督鳳陽等處地方軍務時朝廷草創大僚無

通曉故事者以學士兼尙書非制也發銀一萬兩遣職方司郎中萬元吉往犒得功等軍以張應元充總兵官鎮守承天等處地方癸巳爲大行皇帝舉哀哭臨甲午以姜曰廣爲東閣大學士兼禮部尙書前禮部尙書王鐸爲東閣大學士並入閣辦事曰廣辭改禮部左侍郎入直以工部侍郎周堪賡爲戶部尙書乙未召前都察院左都御史劉宗周復官遣御史祁彪佳等安撫江南北等處地方可法請分江北爲四鎮以黃得功劉澤清劉良

聖安皇帝本紀上

三

佐高傑四人分統之傑駐徐州轄徐州及鳳陽之懷遠五河虹泗州盱眙宿州靈璧蒙城亳州十四州縣經理河北河南開歸等處招討事良佐駐壽州轄鳳陽之鳳陽臨淮定遠壽州霍丘穎州穎上太和廬州之六安州九州縣經理河南陳許等處招討事澤清駐淮安轄十一州縣經理山東等處招討事得功駐廬州轄廬州之合肥巢無爲州滁和一州應天之江浦六合十州縣經理各路援勦事一切軍民皆聽統轄州縣有司皆聽節制營衛原本舊

兵皆聽歸併整理荒蕪田土皆聽開墾山澤有利皆聽開採仍許各于境內招商收稅以供軍前買馬置器之用每鎮額定三萬人歲供本色米二十萬折色銀四十萬其體統照山海經理鎮各處提督鎮行事所收中原城池卽歸統轄寰宇恢復爵爲上公與開國元勳同准世襲其鳳陽舊有總兵官應罷改副將一員又言操江舊兵單弱請添設九江京口兩鎮以操江總督文臣協理並從之而得功等方各擁兵爭江北諸郡傑圍揚州縱兵大

聖皇帝本紀上

四

掠且欲渡江而南可法乃奏設督師于揚州節制諸將馬士英以麾下兵至江干上疏勸進丙申召士英入京戊戌羣臣勸進至再三箋王乃許之己亥可法自請督師江北詔以便宜行事各鎮並聽節制撫寧侯朱國弼請裁漕鎮從之召兵部尙書張國維以原官回部佐理戎政召前刑部尙書徐石麒爲都察院右都御史以

鄭鴻逵爲

後軍都督府署都督僉事充總兵官鎮守九江等處地方  
黃蜚以原官鎮守京口等處地

方以韓贊周爲司理監秉筆太監壬寅王卽皇帝位大赦天下以明年爲弘光元年在京文武各官普加一級無級可加者進勳階一級并給新銜誥命在外督撫監司守令並依見任官銜給與誥命在籍閣臣及六部堂上官年六十以上者存問其遣配及閒住者並復原官三品以下先行釋罪分別酌用其北直隸山東河南山西陝西遼東等處文武官生義不從賊在南者文官察明起用生員赴禮部報名取印結寄應天府學考試武官指揮

千百戶等赴兵部察驗附在京各衛寄俸弘光元年糧免十分之一北直隸山西陝西全免五年山東河南全免三年江北湖廣免十分之五四川免十分之三以盧九德爲司禮監秉筆太監提督京營癸卯以馬士英掌兵部事仍入閣辦事以禮部右侍郎顧錫疇爲禮部尙書兼翰林院侍讀學士分應天蘇淞爲二巡撫以太常寺少卿左懋第爲都察院右僉都御史巡撫應安徽寧池太廣德等處地方提督軍務兼理糧儲甲辰以忻城伯趙之

龍總督京營戎政以前都察院右僉都御史田仰  
巡撫淮揚等處地方提督軍務兼理海防進封黃  
得功爲靖南侯左良玉爲寧南侯仍各廕一子錦  
衣衛千戶世襲封高傑爲興平伯劉澤清爲東平  
伯劉良佐爲廣昌伯加馬士英太子太保廢一子  
錦衣衛指揮僉事世襲乙巳以大理寺左寺丞祁  
彪佳爲都察院右僉都御史巡撫蘇淞等處地方  
總督糧儲提督軍務禁北來逃官不許入京丁未  
可法出京督師給銀二十萬兩密諭參將王之綱

等迎母妃于江北郭家寨李自成遣僞制將軍董  
學禮等率兵南下至宿遷已酉總督漕運巡撫鳳  
陽等處地方都察院右僉都御史路振飛遣兵擊  
敗之擒其僞防禦使武愨張愼言薦前東閣大學  
士遣戍吳性命召之庚戌朝劉孔昭廷訐愼言薦  
誤國罪臣且定策時有二心聲色俱厲御史王孫  
蕃等亦劾孔昭交爭于上前上諭之乃退明日孔  
昭具疏論劾愼言乞罷上兩解之弘圖曰廣各上  
疏乞罷不許以萬元吉爲太僕寺少卿監江北軍

命御史周一敬護送潞王于杭州居住設勇衛營以御馬監太監李國輔監督壬子進魏國公徐弘基南和伯方一元誠意伯劉孔昭撫寧侯朱國弼安遠侯柳祚昌靈璧侯湯國祚東寧伯焦夢熊成安伯郭祚永各官銜二級歲加祿米五十石弘基仍進左柱國賜韓贊周廕弟姪二人盧九德一人錦衣衛指揮僉事世襲仍賜蟒衣及銀癸丑可法奏先帝已封劉澤清伯爵命加廕一子錦衣衛正千戶世襲甲寅遣督師大學士史可法祭告祖陵

皇陵寧南侯左良玉祭告顯陵先是賊陷京師定遠總兵官平西伯吳三桂降于□引之入關大敗自成于一千石自成走西安□乃偽稱太子與三桂合軍入京及至則□九王也遂據京師爲先帝發喪傳檄河北山東皆下之而道路相傳以爲三桂借兵克復又言巡撫遼東都察院右副都御史黎玉田與三桂合謀德州生員謝陞殺賊所署爲防禦使吳徵文奉香河知縣宗室帥欽爲濟王率士民城守而傳以爲前東閣大學士謝陞及前御

史盧世淮於是可法以聞已卯封三桂薊國公世襲命發銀五萬兩漕米十萬石饋之太常寺少卿李沾劾吏部左侍郎呂大器定策時懷二心上曰朕遭時不造痛深君父何心大寶直以宗社攸關勉承重任當日効忠定策諸臣朕已鑒知餘不必深求大器乞罷不許六月庚申以福府千戶常應儁爲□軍都督府左都督壬戌上大行皇帝謚曰紹天釋道剛明恪儉揆文奮武敦仁懋孝烈皇帝廟號思宗大行皇后謚曰孝節貞肅淵恭莊毅奉

聖睿帝本紀上

八

天靖聖烈皇后思字大學士弘圖所擬也以都督同知楊振宗充總兵官鎮守安慶癸亥以右軍都督府都督僉事趙光遠爲都督同知充總兵官提督四川陝西軍務光遠時鎮守漢中命未至己降于賊甲子工部尙書程註致仕丙寅吏部尙書張慎言致仕士英薦前光祿寺卿阮大鍼可任樞貳子冠帶召見戶科左給事中羅萬象御史詹兆恒王孫蕃陳良弼應天府丞郭維經等交章言大鍼以逆案發配不宜召弘圖請下九卿議與士英不

合各疏求去不許呂大器遂劾士英以入朝爲名橫據國中縱兵劫掠賣官鬻爵諸罪御史黃澍入對廷劾士英司禮監太監何志孔助澍言之上怒士英更爲志孔請得不死先是張獻忠自楚入蜀己巳陷涪州壬申士英劾從逆諸臣光時亨龔鼎孳陳名夏項煜周鐘等先是周王薨于淮安舟中命于安吉孝豐擇地卜葬丙子劉澤清劾呂大器前巡撫甘肅以私忿殺總兵官柴時華及受賄事大器連疏引疾致仕朝議遣大臣北行使口訪先

聖憲書本紀上

九

帝梓宮併資敕與吳三桂而士英言有職方司員外馬紹愉者曾爲陳新甲使口昔之下策今之上策也澤清傑並舉前總兵官太子少師左都督陳洪範召見以陳洪範提督下江定海水師駐瓜洲會左懋第以母喪在山東請北行遂定使口之議丁丑張獻忠陷重慶府瑞王遇害戊寅封常應儻襄衛伯食祿米一千石世襲劉宗周在籍自稱草莽孤臣上疏請上親征又言四鎮不宜封有旨宣付史館而宗周復進疏言中外諸臣皆可誅於是

四鎮皆怒己卯忻城伯趙之龍論先帝廟號思宗  
爲下謚弘圖疏辨上是之辛巳以徐石麒爲吏部  
尙書工部左侍郎何應瑞爲工部尙書以巡按淮  
揚御史王燮爲都察院右僉都御史贊理軍務巡  
撫山東壬午以江西按察司副使程世昌爲都察  
院右僉都御史巡撫應天等處地方加謝陞上柱  
國少師兼太子太師禮部尙書黎玉田兵部尙書  
盧世漼工部右侍郎俱充山陵使王燮奏皇太子  
定王永王俱遇害是日督師標下總兵官于承綬

聖裔帝本紀上

十

等兵及浙兵聞于鎮江西門焚居民數百家癸未  
顧錫疇奏奪故少師兼中極殿大學士溫體仁謚

甲甲以

邱磊充總兵官鎮守山東大

學士高弘圖等奏北使事宜一於天壽山特立園  
陵厝先帝梓宮并太子二王神櫬一割山海關外  
地與□一歲幣以十萬爲率一□已僭號執敵  
國或稱可漢或稱金國主前代多有之乞下廷臣  
集議一洪範給銀三萬兩爲山陵及道里諸費秋  
七月丙戌朔命魯王于台州府居住添設兵部侍

郎二員加張慎言程註太子太保戊子追尊皇考  
福恭王曰貞純肅哲聖敬仁毅恭皇帝皇妣□氏  
曰孝誠端惠慈順貞穆皇太后皇祖妣貴妃鄭氏  
曰孝寧溫穆莊惠慈懿憲天裕聖太皇太后皇太  
后太皇太后生稱也沒而加之非名也遙上母太  
妃鄒氏尊號曰恪貞仁壽皇太后諡先妃黃氏曰  
孝哲懿莊溫貞仁靖皇后繼妃李氏曰孝義端仁  
肅明貞潔皇后追復懿文皇太子廟謚曰興宗孝  
康皇帝懿敬皇太子妃常氏曰孝康皇后上建文

聖睿帝本紀上

十一

帝謚曰嗣天章道誠懿淵恭覲文揚武克純

一作仁

篤孝讓皇帝廟號惠宗建文帝后馬氏曰孝愍溫  
貞哲睿肅烈襄天弼聖讓皇后追尊恭仁康定景  
皇帝謚曰符天建道恭仁康定隆文布武顯德崇  
孝景皇帝廟號代宗貞惠安和景皇后汪氏曰孝  
淵肅懿貞惠安和輔天恭聖景皇后庚寅以左懋  
第爲兵部右侍郎兼都察院右僉都御史經理河  
北聯絡關東軍務馬紹愉爲太僕寺少卿兼兵部  
職方司郎中加陳洪範太子太傅往北京癸巳以

巡按四川御史劉之勃爲都察院右僉都御史巡撫四川罷貴州總督以前屯田道參議范鏞爲都察院右僉都御史巡撫貴州命田仰仍總漕務專管江北漕額并催江北各標應給漕米甲午以前兵部尙書丁啟睿安撫河南賜

李際遇

劉洪起各總兵官敕乙未依北京更定營制爲五軍神機三大營各一營至十營以團練總兵官六人分統之庚子萬壽節癸卯命禮部尙書顧錫疇祀海甲辰追賜故穎國公傅友德宋國公馮勝謚

聖皇帝本紀上

七

乙巳李自成遣兵至保寧府降之庚戌中旨以吏部右侍郎張有譽爲戶部尙書弘圖封還爭之不聽辛亥釋高牆罪宗故唐王聿鍵等三百餘人壬子諭曰朕遭九六之運車書間阻方資郡策旋軫故都乃文武之交爭致異同之日甚先皇帝神資獨斷彙納衆流天不降康咎豈在上爾諸臣尙鑒於前車精白乃心匡復王室若水火不化戈矛轉興天下事不堪再壞且視朕爲何如主祖宗成憲弗尙姑息各宜欽承朕言不再改正閣衙以尙書

兼大學士萬元吉奏有□平西王吳三桂牌至濟  
寧州稱奉大清攝政王旨執將南侵執政謂欵使  
己行不以爲意八月丙辰朔日食戊午罷偏沅巡  
撫以前都察院右僉都御史楊鶚爲兵部右侍郎  
兼都察院右僉都御史總督四川湖廣雲南貴州  
廣西軍務兼理糧餉辛酉加可法少保兼太子太  
保進武英殿大學士廕一子錦衣衛指揮僉事世  
襲弘圖太子少師進文淵閣大學士曰廣太子少  
保進文淵閣大學士士英太子大師進武英殿太

聖臺帝紀上

三

學士鐸太子少保進文淵閣大學士改戶部尙書  
各廕一子中書舍人以刑部左侍郎賀世壽爲戶  
部尙書兼都察院右副都御史總督倉場以前薊  
遼總督丁魁楚爲兵部右侍郎兼都察院右僉都  
御史總督河南湖廣軍務巡撫承德襄陽等處地  
方兼理糧餉癸亥贈傅友德特進光祿大夫左柱  
國麗江王馮勝特進光祿大夫左柱國寧陵王祀  
功臣廟敕左良玉充提督官開藩武昌甲子張獻  
忠陷成都府蜀主遇害戊辰皇太后自儀鳳門入

宮遣靈壁侯湯國祚告於南郊命惠王于廣信府  
居住壬申以前定夏巡撫樊一禱爲兵部右侍郎  
兼都察院右僉都御史總督川陝等處恢勦軍務  
兼理糧餉前 按察司僉事充爲事官越其杰

爲都察院右僉都御史巡撫河南兼轄潁亳二州  
提督軍務傑澤清良佐各疏劾劉宗周激變軍情  
動搖聖駕又與得功合疏言羣臣謀危社稷指大  
學士姜曰廣會有建安王府鎮國中尉米統鑽候  
考吏部因奏曰廣定策時有異謀并劾前山東按

聖睿帝本紀上

十四

察司僉事雷縉祚儀制司員外周鑣結黨亂政下  
縉祚等獄于是吏科右給事中熊汝霖劾統鑽誣  
詆大臣通政使劉士禎禮科給事中袁彭年劾統  
鑽違制越奏請究問不聽曰廣求去益力癸酉命  
修西宮之西花園第一所爲皇太后宮丁丑贈吳  
三桂父故 總兵官吳襄遼公國母祖氏遼國  
夫人戊寅以前總督薊遼軍務爲事官王永吉戴  
重罪總督山東河北等處軍務庚辰命遼淑女辛  
巳賜北京死節諸臣工部尙書兼東閣大學士范

景文等二十二人贈謚祭葬有差建祠雞鳴山賜  
額旌忠癸未封

鄭芝龍爲南安伯

以前福建布政使司左布政使申紹芳爲戶部右  
侍郎兼都察院右僉都御史督餉江北以前太子  
太保禮部尙書兼文淵閣大學士王應熊改兵部  
尙書總督川湖雲貴等處專辦蜀寇賜尙方劍一  
口便宜行事仍給銀三萬兩乙酉以皇太后至京  
加可法少傅兼太子太傅弘圖日廣各太子太保  
士英少保兼太子太師鐸太子少保誠意伯劉孔

聖憲帝本紀上

七

昭等太監韓贊周等各廕陞有差阮大鍼入對稱  
旨疏陳江防甚悉安遠侯柳祚昌復薦之以爲兵  
部右侍郎巡閱江務都察院左都御史劉宗周劾  
奏不聽自李自成敗走山東諸州縣並殺其僞防  
禦使牧令復爲明而朝廷矣一官一兵出河北

遂安置官屬至濟交以南皆降于 惟濟定州不  
下是月 將楊方興以兵數千趨濟寧下之九月  
戊子封皇太后弟千戶鄒存義爲大興伯庚寅以  
都督僉事張福成充總兵官前往河北山東辛卯

上御經筵壬辰裁各布政使司右布政使甲午曰  
廣致仕乙未宗周致仕命黃斌卿移屯九江黃蜚  
屯蕪湖采石鄭鴻逵屯鎮江丁酉以中軍都督府  
都督同知王之綱充總兵官挂盪寇將軍印鎮守  
河南己亥三法司奏定從逆六等條例大逆凌遲  
處死凡五條凡從賊攻陷京師及爲賊毀宗社易  
門榜者凡倡率勸進及爲賊草偽詔者凡部院詹  
事翰林三品以上大臣從賊受僞官爲之親信用  
事者凡文武封疆大吏如督撫總兵降賊者凡京  
堂翰林科道部等官爲賊畫策規取地方者以上  
如本犯不歸歸而又逃者收繫其妻子籍沒其資  
產斬決不待時凡三條凡四五品京堂及翰林科  
道官受賊僞命居要地比原職加崇者凡方面分  
巡分守知府等官降賊者凡文武封疆大吏聞變  
先逃者絞凡六條凡獻銀獻女獻婢以媚賊求免  
者凡內外衙門官但受僞命者凡職在巡方遇變  
而逃者及布按二司分巡分守知府等官遇變逃  
者凡被賊夾打不能自回仍受僞官者凡受僞官

爲賊疏遠者凡各衙門奉差如管屯管河權關司  
餉等官雖無封疆之責而逃者流凡二條凡內閣  
重臣及部院寺三品以上詹事翰林五品以上卽  
不從賊偷生潛逃者凡旣受僞職後自疏遠先賊  
未敗脫身南還者以上斬絞流及遠戍共十一則  
如各犯認非自投議減本罪一等如遁歸匿形蓄  
謀叵測議于本罪加一等仍收繫其親屬徒凡二  
條凡候考候選卽無官守卽未受僞官乃浮沉賊  
中賊奔乃還者凡遇賊變偶不逃爲賊協留未受

聖憲帝紀上

七

僞官者杖凡一條凡初爲賊所拘未受僞官乘間  
先歸者上曰北都淪喪帝后升遐巷戰死綏者遂  
無一人且反面事仇甘心降賊爲之指斥先帝規  
並海宇人心已喪法紀何存所奏旣已會議允當  
並先奪職其絞罪以上三法司行撫按官逮至京  
訊之流罪以下撫按官依律卽訊具奏其有身雖  
陷賊而能改圖歸正擒殺賊首及以兵馬城池來  
歸或爲我內應克建大功或爲我內閣効忠本朝  
者仍從優陞賞不用此例辛丑以通政司右參議

王潔爲都察院右僉都御史巡撫登萊東江等處  
備兵援遼恢復金復海蓋贊理軍務兼管糧餉以

牟文綬充總兵官鎮守荊州總理漢土

官兵時荊州未復命文綬自施 衛收集土兵出

夔州以圖之癸卯以後軍都督府都督王允成充  
署總兵官鎮守岳州士英請定童生納銀經送學  
道收考免府縣二試其銀以充兵部招練軍器之  
用從之乙巳給越其杰銀十五萬兩令募兵屯田  
追賜國初諸臣陶安等先朝諫死諸臣蔣欽等謚

聖安皇帝本紀上

七

丙午召萬元吉還以右軍都督府左都督杜弘域  
提督池太等處軍務丁未上皇考陵名曰熙陵已  
酉進封朱國弼爲保國公爵一輩辛亥加李沾都  
察院左都御史命法司逮問呂大器以中軍都督  
府右都督盧鼎充總兵官武漢團練正紀寧南營  
務開納助工事例癸丑命刑部逮問黃澍是月高  
傑率兵赴鎮戶科給事中陸朗例出爲福建

特旨晉之御史黃耳鼎例出爲江西按察  
司副使與朗并疏攻吏部尙書徐石麒冬十月乙

卯朔石麒麟致仕耳鼎復爲御史以中軍都督府左都督李成棟充總兵官挂鎮徐將軍印鎮守徐州

李世春充總兵官鎮守泗州

賀允昌爲中軍都督府都督僉事充總兵官鎮守揚州併巡上下江御史爲一差故周延儒子奕封乞免追贓時有舉人汪庶者與廷儒弟舉人正儀嫻連中旨欲移坐之而不詳其名以爲曙也遂坐曙贓六萬而免奕封所坐六萬之半丙辰以鄭芝龍充總兵官鎮守福建以黔省授楚副將羅

聖睿帝本紀上

九

聯芳爲前軍都督府都督僉事充總兵官鎮守貴州已未以逃官前兵部尙書張縉彥戴罪總督北直隸山西河南北軍務便宜行事庚申大學士高弘圖致仕遣司禮監太監孫元德察催直隸浙江福建金花歲改段價九庫一應錢糧仍督兩浙漕糧鹽課洋稅并一切修練儲備事宜甲子加何騰蛟兵部右侍郎兼都察院右僉都御史仍巡撫湖廣全屬地方賜北京死節太監王承恩等九人贈謚祭葬廕有差丙寅命于杭州選淑女旨下有校

刷人役突入民家搜索女子有投水自盡者巡視京城御史朱國昌等以聞及選入又不稱旨上怒命各城推戶舉首隱匿者罪及地方鄰佑各官重處而或言天下美女及妝飾精妙無過蘇杭於是訪求之使四出矣壬申中旨以吏部右侍郎張捷爲吏部尙書癸酉改丁魁楚以原官總督兩廣軍務兼理糧餉巡撫廣東等處地方追復代宗生母賢妃吳氏上謚曰孝翼溫惠淑慎慈仁匡天錫聖皇太后惠宗長子文奎曰恭愍皇太子弟允燧爲

吳悼王允燧爲衡愍王允燧爲徐哀王追封惠宗子文圭爲原懷王並附祀孝康陵復江都宜春南平等四郡主爲公主耿璿于禮爲駙馬都尉甲戌以逃官前左春坊左中允衛允文兼兵科給事中監興平伯軍命鄭鴻逵挂鎮海將軍印乙亥以江西按察司副使張秉貞爲都察院右僉都御史巡撫浙江提督軍務丙子命以來年正月上辛合祀天地於南郊士英請發欵單于各撫按分給所屬司道府州縣官凡贖緩自杖以上俱注單貯庫解

部充餉其不充單者以贓論從之丁丑以兵部左  
侍郎解學龍爲刑部尙書前太僕寺少卿楊維垣  
爲通政使司通政使命王永吉且駐河上擇險要  
地方暫料理山東河北戰守事宜俟陳洪範等還  
日奏請進止戊辰加左良至太子太傅壬午命停  
今年決囚以 監太監孫呈琇爲山東總監同

王滌行事滌至安東不能前有旨令駐淮上賜故  
巡撫大同都察院右僉都御史衛景瑗等五人贈  
謚廕癸未以前吏科都給事中劉安行爲都察院

聖孝皇帝本紀上

三

右僉都御史提督直隸浙江沿海開墾屯田市舶  
魚鹽等稅兼理海防軍務通政使司右參議劉若  
金爲都察院右僉都御史提督福建廣東沿海開  
墾屯田市舶魚鹽橋稅珠池兼理海防軍務授朱  
統纒行人司行人鑄弘光通寶錢是月漳州賊破  
雲霄城據之官兵討之賊走大埔十一月戊子西  
宮成賜名慈禧殿續封鄧文克爲定遠侯辛卯令  
生員納銀充貢邱磊在安東與劉澤清不協可法  
奏其有異謀遣右鎮總兵官柏永馥執之下淮安

獄自盡癸巳命遼王于台州寧海縣居住乙未夜  
端門外火時山東及豐沛並入于 分兩道一  
入宿遷一破海州澤清等以聞請並何築牆與王  
燮等畫地分守從之丁酉祁彪佳子告庚子以兵  
科右給事中李永茂爲都察院右僉都御史巡撫  
南贛等處地方提督軍務丁未以兵部右侍郎張  
鳳翔爲兵部尙書兼都察院右副都御史總督直  
隸浙江水陸軍務兼理糧餉巡撫蘇淞等處地方  
以浙江按察司副使盧若騰爲都察院右僉都御

聖睿帝本紀上

三

史督理江北屯田巡撫鳳陽等處地方以江西按  
察司副使耿廷籙爲太僕寺少卿調雲南臨安府  
土官沙定洲兵馬從建昌入川勦賊庚戌以 軍  
都督府左都督許定國充總兵官挂鎮北將軍印  
鎮守開封辛亥士英請于金山岡山築城從之壬  
子復逃官御史蘇京官駐廟灣聯絡海上先是徐  
州土賊程繼孔擒至京 變逃歸高傑擒斬之加  
傑太子少傅可法太傅士英太保鐸太傅自五月  
不雨至于是月十二月乙卯朔日荆王于九江府

居住丁巳進封劉孔昭爲誠意侯劉澤清爲東平侯孔昭辭許之禁巡按御史不許拿訪庚申賜建文死節諸臣贈謚辛酉以何騰蛟總督四川湖廣雲南貴州廣西等處軍務兼督糧餉專理恢勦召楊鶚回部癸亥續封徐洪爵爲永康侯甲子命程世昌兼督上江漕務丙寅改上孝宗后張氏曰孝成靖肅莊慈哲懿扶天贊聖敬皇后大閱京軍命士英代先是李自成遣兵攻鄖陽撫治都察院右僉都御史徐起元分守監軍

高斗樞

聖皇帝本紀上

三

王光恩等出戰敗之固守數月不下命左良玉率兵救之戊辰以樞爲都察院右僉都御史巡撫湖廣已巳陳洪範還奏於十月十二日至北京夷官剛林等語甚諂慢懋第抗詞不屈二十九日至河西務遙祭先帝十一月四日至滄州

遣騎追執懋第等去國書未投因言閣議主于抗節使臣將命不敢委曲上曰國家艱難之際費十餘萬金錢遣使庭亦欲得當并力滅賊如何閣議止以抗爲不辱命我當自強之歟否原不

足恃爾文武臣工當益切痛恥秣馬厲兵乘時恢  
復以申大仇洪範又密奏聞黃得功劉良佐皆陰  
與通二人疏辨上曰此中反間不足信命洪  
範往督師軍前尋給假去楊維垣上疏追論三朝  
黨局上曰宵人躁競不難矯誣君父以逞其私安  
知忠孝之道王之宋等已經大赦姑不追究三朝  
要典民間尚有存者禮部訪求一部送入史館以  
存列聖慈孝之實又奏逆案多枉命吏部察明分  
別復職起用有狂僧大悲至京自稱齊王又稱潞

聖安皇帝本紀上

十四

王下錦衣衛訊壬申加士英少師改命王永吉總  
督防河鎮將癸酉復逃官前左春坊左諭德韓四  
維官工科右給事中戴英劾之改別衙門用甲戌  
遣士英視牲乙亥復逃官兵科給事中時敏官開  
屯浙江大瞿等山丁丑諭吏部自天啟以前詞臣  
有勞績者察明贈官不得與廕刑部尙書解學龍  
等奏從賊諸臣獄宋企劾等十一人凌遲光時亨  
等四人斬秋後處決陳名夏等七人絞王孫蕙等  
十五人充軍朱學顯等十人徒潘同春等八人杖

自絞以下皆聽贖其在 何瑞徵等二十人俟二  
三年後定罪翁元益等二十七人存疑及已用張  
縉彥等七人奉旨未用姜荃林等三人已故吳家  
周等二人俱不在六等之列上以諸臣擬罪太輕  
命三法司再議開納文武職官誥命分防河汎地  
王之綱自永城至寧陵許定國自寧陵以西至蘭  
陽劉洪起自祥符至汜水李際遇專防河南一府  
曹友義防邳州以西張士儀防邳州以東時 豫  
王兵自孟津縣渡河李際遇迎降縉彥等並走沈  
邱命高傑率兵進屯歸德以備之戊寅上御興定  
宮是日傑自徐州進兵己卯加徐起元兵部右侍  
郎高斗樞都察院右副都御史辛巳罷南郊改於  
明年冬至御史沈宸荃諫不聽壬午以應天府丞  
瞿式耜爲都察院右僉都御史巡撫廣西

馬乾爲都察院右僉都御史巡撫四川命  
張縉彥以總督兼巡撫歸德開封河南三府督諸  
將防河恢勦河北潼關等處地方越其杰巡撫汝  
寧南陽貴州三府恢勦河南湖廣等處地方士英

奏請摧酷從之癸未以叅將署川東鎮守事務賈  
登聯爲中軍都督府都督僉事充總兵官前往四  
川

聖朝議錄紀上

三

聖安皇帝本紀下

顧炎武讀

宏光元年春正月乙酉朔大雪免百官朝賀以殿  
成加應熊太子太保可法太保兼太子太師進  
建極殿大學士士英少師兼太子太師進中極殿  
大學士鐸少保兼太子太保進武英殿大學士各  
賜蟒衣一襲廕一子尙寶寺丞以士英掌文淵閣  
印充首輔辦事可法辭太保許之以吏部左侍郎  
蔡奕琛爲禮部尙書兼文淵閣大學士入閣辦事

聖安皇帝本紀下

一

癸巳命得功良佐率兵進屯潁毫二人受命不行  
許定國陰送欵于傑至睢州乙未定國伏兵享  
傑於城中殺之明日傑部將攻睢州定國引兵走  
考城圍之定國之降於壬寅命在京諸臣自陳  
保國公朱國弼及御史張孫振劾刑部尙書解學  
龍賣法庇賊丙午奪學龍職丁未召前都察院左  
都御史唐世濟復官壬子加衛允文兵部右侍郎  
總督興平標下鎮將兵馬經略開歸防勦軍務是  
月入西安府李自成走襄陽二月甲寅朔命于

嘉興紹興二府選淑女左良王薦太僕寺卿王驥  
可任巡撫丙辰以驥爲都察院右副都御史巡撫  
湖廣提督軍務兼理糧儲命高斗樞回京另用己  
未以阮大鍼爲兵部尙書兼都察院左副都御史  
協理部事仍管巡閱江防事務以工部左侍郎高  
倬爲刑部尙書人有上書言廣信建寧衢州之間  
有雲霧山爲先朝封禁開之可以助國命太監李  
國輔往視之甲子謚皇太子曰獻愍定王曰哀永

王曰悼乙丑命于蘇州製造大婚冠服丁卯禮部

聖安皇帝本紀下

二

尙書顧錫疇免官蔭方孝孺裔孫樹節爲翰林院  
五經博士高傑妻邢氏有子元爵尙幼在揚州可  
法請以標下

李本身提督軍馬與諸裨

將分屯梁宋間上曰興平創立軍府以忠死事身  
肉未寒兼有嗣子朕豈忍以其兵馬信地遽授他  
人可令其妻邢氏同元爵照舊統轄元爵年幼督  
師輔臣代爲料理示朕不忘忠臣至意李本身仍  
領前鋒俟有功優敘良佐上書追論傑罪請別委  
一人統其衆不許又言本身庸弁耻與爲五朝廷

亦以提督體統尊難之已而邢氏上書請以本身  
爲提督允文亦其疏如邢氏言從之命未下先是  
四鎮之南來也以揚州富實各思據之傑兵先至  
揚州人不納遂圍之得功引兵至天長欲爭揚州  
朝廷遣萬元吉諭之得功奉詔可法至揚州爲傑  
所要奏許其家屬居揚而得功在廬州山瘠又新  
破嘗怏怏不平聞傑死又引兵回揚州士英以聞  
上曰大臣當先國事而後私仇黃得功若向揚州  
使高營兵將棄信東顧狡躡之而南誰執其咎

聖皇帝本紀下

三

朕於諸藩鎮恩禮有加諸藩亦當恪守臣節無得  
輕舉以誤國家可法在徐州安插高兵聞之馳還  
會上遣太監盧九德高起潛李應昇諭得功得功  
奉詔李本身等聞得功向揚州棄信引兵還上命  
起潛駐揚州安撫將士乙亥追封皇弟由槩爲穎  
王謚曰冲禮部請朝日命待南郊禮成行之丙子  
更上先帝廟號曰毅宗封慈煥爲崇王命於福州  
府居住時廷論多及先朝舊事欲追罪當日建言  
三案之人並及門戶諸人上優容不許而科道交

章引繩批根日益深切羣臣多不自安袁繼咸以總督在九江疏言三朝要典爲先帝所焚之書不宜存已而左良玉亦上疏論之上曰此朕家事列聖父子兄弟之間數十年無纖毫間言當日諸臣妄興誣構卿一細閱亦當倍增悲憤但造禍之臣物故幾盡與見在廷臣功罪無關朕已悉從寬宥不必疑猜黃澍之被收也倚良玉不至繼咸爲之請許回籍聽勘御史左光先被收亦奔良玉與呂大器皆不至御史袁弘勳劾繼咸庇護三案繼咸

聖皇帝本紀下

四

疏辨上曰袁繼咸身任封疆自有本等職業賊信方急當一心料理軍務不得借題尋釁然自是失職之臣駸駸有挾藩鎮以抗朝廷之意矣兵部職方司主事彭遇廳召對中旨改御史巡按浙江以家丁數百人行至杭州不戢杭人踴署門逐之改巡按淮揚已卯續封張承志惠安伯禮部右侍郎管紹寧署部印失之士英爲之請盡易南京各衙門印去南京二字癸未大悲棄市鴻臚寺少卿高夢箕奏先帝皇太子自北來今往杭州上遣內臣

蹤跡至錢塘江上得之三月甲申朔至京都人傳  
言太子至人人色喜又言上未有子且以爲子京  
城內外一日中告語幾編太子在興善寺中發勇  
衛營兵五百人守之夜五鼓傳上旨移太子至錦  
衣衛掌衛事後軍都督府都督同知馮可宗邸舍  
乙酉上御武英殿命府部九卿科道官及左春坊  
左中允劉正宗右春坊右中允李景廉前詹事府  
少詹事方拱乾等審視正宗等皆前東宮講官於  
是百官公服獨拱乾有罪便服趨上太子曰方先

生及問正宗等皆不識又問講書何地講何書習  
何字答多不符兵科不給事中戴英進曰先帝十  
六年冬御中左門親鞫吳昌時太子侍旁憶之乎  
不對羣臣環詰之遂供出姓名王之明爲故駙馬  
都尉王昺之姪孫曾侍衛東宮家破南奔遇夢箕  
家丁穆虎聲之祚稱太子拱乾則于侍衛日識之  
也奏上丙戌下之明中城兵馬司獄以禮部尙書  
兼翰林院學士錢謙益掌部事丁亥復故少師兼  
中樞殿大學士溫體仁謚戊子命司禮監隨堂內

官監太監喬尙總監兩淮鹽課嚴察兵馬糧餉命  
督師大學士應熊兼制雲南貴州湖廣廣西鄖陽  
偏沅各督撫應熊劾馬乾洛掠不法奪官下督撫  
逮訊壬辰命百官會審王之明於午門外河南有  
婦人童氏自稱上藩邸時元妃巡按御史陳潛夫  
信之具儀從送至京上大怒下童氏錦衣衛獄并  
逮潛夫至京訊之以耿廷錄爲都察院右僉都御  
史巡撫四川提督軍務兼理糧餉癸巳遙祭諸陵  
戊戌以黃斌卿充總兵官挂徵蠻將軍印鎮守廣

西三法司以王之明獄上上曰此必姦人密謀授  
意圖爲不軌非高夢箕一人可辦法司其嚴行究  
訊兩月以來往來踪跡及主使之入於是人情益  
懼民間流言指馬士英王鐸共謀戕害太子黃得  
功上疏言先帝之子卽皇上之子真僞未辨乞多  
方保留若驟處死卽果祚僞天下必以爲真東宮  
矣上乃命養之獄中勿遂加刑俟布告天下愚夫  
愚婦皆已明白然後申法而劉良佐上疏並言太  
子董氏二事謂上爲羣臣所欺將使天倫絕滅上

曰朕元妃黃氏先朝册封不幸天逝繼妃李氏又已殉難登極之初卽追封后號詔示海內卿爲大臣豈不聞知童氏不知何處妖婦詐冒朕妃朕初爲郡王有何東西二宮據供是邵陵王宮人尙未悉眞僞王之明是駙馬王昺之姪孫避難南來高夢箕家丁穆虎聲令冒認東宮正在嚴究若果眞實朕于夫妻伯姪之間豈無天性况宮媵相從患難者頗多朕於先帝無纖介之嫌因宗社無主不得已從羣臣之請勉承重寄豈有利天下之心忍

加毒害於其血脉至於舉朝文武往非先帝舊臣往不如鄉肯昧本心害其誰子朕夫妻之情又豈羣臣所能欺蔽但太祖之天潢先帝之遺體不可以異姓頑童聲亂宗祏宮闈風化所關豈容妖婦闖八國有大綱法有常刑卿不得妄聽妖訛猥生疑議因命法司先將二案審明情節傳示中外以釋羣疑然而流言日甚己亥上懿安皇后謚曰孝哀慈靖恭惠溫貞偕天協聖慈皇后更上皇考謚曰孝皇帝壬寅先帝忌日上於宮中舉哀百官于

太平門外設壇遙祭甲辰封

黃九

鼎爲雒中伯己巳以殿工成加可法太師士英太保鐸少保宏圖曰厲各太子太傅李際遇許定國既降於 盡得河南開封之地引兵南下王之綱走宿州是日 陷歸德府巡按御史凌駟死之丙午罷安慶巡撫以兵部右侍郎朱大典爲兵部尙書兼都察院右副都御史提督廣昌靖南池皖等鎮軍務巡撫應天安慶等處地方總理糧儲兼督上江漕糧丁未命後軍都督府右都督總兵官

聖安皇帝本紀下

八

方國安挂鎮南將軍印駐防池口己酉以光祿寺少卿錢繼登爲都察院右僉都御史總理兩淮鹽法兼理江防軍務贈高傑太子太保廕一子錦衣衛百戶世襲左良玉在先帝時已擁兵跋扈及上卽位數上書侵撓朝政聞有太子事具疏言大臣蔽主危害皇儲時良玉且病其子挂平賊將軍印總兵官中軍都督府右都督夢庚性凶狡一時失職諸臣在軍中者又爲春秋與趙鞅之說以贊成之遂舉兵反以奉太子密旨誅姦臣馬士英爲名

王子加李本身太子少保 軍都督府左都督提督興平標下兵馬夏四月丙辰良玉陷九江府丁巳追卹三案諸臣劉廷元等二十人並復原官仍各贈廕有差良玉兵自九江而下所至禁掠乙未陷東流京師戒嚴以公侯分守長安等門及都城十三門徵靖南廣昌東平三鎮兵入衛命可法至江北調度命阮大鍼率兵巡防上江上諭三法司附逆一案日久不結殊非法紀朕新政之初姑從寬貸光時亨力阻南遷致先帝蒙難周鍾以詞臣降賊乘馬不下梓宮武愷爲賊僞官任事三人卽便會官處決其餘擬斬者發雲南金齒等衛永遠充軍擬絞者發廣西地面充軍終身責令地方撫按官拘解軍罪以下並宥爲民永不敘用周鏞雷續祚結黨亂政招引外兵圖爲不軌於獄中勦令自盡此外當日有挾持異議者都與大赦朕爲天子豈計匹夫夙嫌並案內曾得罪皇祖妣皇考者俱勿問文武諸臣不許再提往事屢汗奏章違者治罪是日戮時亨鍾愷於市鏞續祚自盡以光祿

寺卿祁逢吉爲兵部右侍郎兼都察院右僉都御史總督倉場續封劉允柱爲寧晉伯庚申續封張國材爲安鄉伯是日良玉陷安慶府初興平所將皆秦人於四鎮中最彊朝廷以衝地委之自李本身等引兵還自大梁以南如入無人之境而提督之命久不下將士無固志因留揚州不進於是

自歸德分兩道一趨亳州一趨碭山徐州李成棟奔揚州壬戌封常澄爲襄王命于汀州府居住是日都督黃斌卿等與良玉兵戰于銅陵之灰河

十

敗之明日復戰沉其船三十艘上命賚銀幣至軍中勞諸將是時勤王之兵四集軍勢稍振良玉尋死于九江然淮南單弱自此益進而南事不可爲矣己丑陷泗州丙寅渡淮丁卯選淑女於元輝殿潞王在杭州上書請移僻靜一郡戊辰命移于湖州府賜勅獎諭且命移周魯二王於江西廣東時河南盡入于獨劉洪起尙在光黃之間己巳以洪起爲提督汝寧開封等處援勦總兵官庚午命王永吉總督防河兼巡撫鳳淮廬三府錢繼

登兼巡撫揚州一府召田仰回部繼登辭命吉  
并撫揚州時上流梗塞王驥未行而言者以湖南  
多警命楊鶚仍爲巡撫駐常德澧州於是興平兵  
盡棄信還孛其家眷至瓜州掠民舟欲渡江有旨  
令鄭鴻逵扼守京口敢有一兵渡江者以大礮擊  
之日有斬獲報捷而遂長驅南下辛未圍揚  
州甲戌加得功左柱國廕一子錦衣衛指揮僉事  
世襲丙予以御史霍達爲都察院右僉都御史巡  
撫蘇淞常鎮四府提督軍務兼理糧儲丁丑陷

聖皇帝本紀下

十一

揚州屠之督師太兼太子太師兵部尙書兼建  
極殿大學士史可法不知所在戊寅追封于謙爲  
臨安伯五月壬午朔以山東布政使司右叅議李  
彬爲都察院右僉都御史巡撫河南癸未命移惠  
王子嘉興府得功率兵進擊夢庚敗之丙戌進封  
得功靖國公世襲加大鉞大典太子太保廕一子  
錦衣衛千戶諸將各陞廕有差遣司禮監太監王  
肇基賫銀幣往勞丁亥封鄭鴻逵靖□伯分蘇淞  
常鎮爲二巡撫以兵部職方司郎中楊文驄爲都

察院右僉都御史巡撫常鎮二府兼轄沿海揚州等處地方提督軍務兼理糧儲己丑夜以小舟自七里江渡庚寅旦抵南岸鴻達以水師奔福建陷鎮江府辛卯夜二鼓上出通濟門幸太平壬辰未明士英奉皇太后如杭州日加已有百姓數百人破中城兵馬司獄出王之明稱皇太子奉之入宮宮中金帛器玩搶奪一空吏部尙書張捷刑部尙書高倬戶部江西司郎中劉成治山西司主事吳嘉允中書科中書舍人龔廷祥欽天監博士陳于階國子監監生吳可基皆死之癸巳上至蕪湖命大典大鉞兼東閣大學士督師以揚州府同知李繼晟爲都察院右僉都御史巡撫安慶時無紙亦不及用寶各以一幅紙書其官銜姓名京城百姓相聚搜殺士英故所部黔兵及其姻黨破人家劫財物總督京營戎政少保兼太子太保忻城伯趙之龍捕斬數十人閉城門遣人具啟於兵自丹陽趨句容乙未夜前隊至郊壇門丙申豫王至營于郊壇北之龍及諸勲戚文武大臣

皆迎降 執之明廣昌伯劉良佐率兵入援次上  
新河降於 己亥 豫王入南京上將幸杭州命  
大典國安以所部兵先發都督杜弘域扈從得功  
率兵斷後未行癸卯良佐率 兵犯駕左柱國太  
師靖國公黃得功死之其將田雄等奉上如 營  
丙午上至南京九月甲寅上北狩

聖安皇帝本紀下終

聖安皇帝本紀下

晉書卷一百一十五 聖安皇帝本紀下  
丙午上至南京九月甲寅上北狩  
大興國安以所部兵先發都督杜弘域扈從得功  
率兵斷後未行癸卯良佐率 兵犯駕左柱國太  
師靖國公黃得功死之其將田雄等奉上如 營  
丙午上至南京九月甲寅上北狩

